




古樂苑卷第十七

西吳

東越

相和歌辭

清調曲



古樂苑卷第十七

西吳 梅鼎祚 補正

東越 呂胤昌 校閱

相和歌辭 清調曲

清調曲 一

古今樂錄曰王僧虔技錄清調有六曲一苦寒
行二豫章行三董逃行四相逢狹路間行五塘
上行六秋胡行荀氏錄所載九曲傳者五曲晉
宋齊所歌今不歌武帝北上苦寒行上謁董逃
行蒲生塘上行晨上願登秋胡行是也其四曲
今不傳明帝悠悠苦寒行古辭白楊豫章行武
帝白日董逃行古辭相逢狹路間行是也其器
有笙笛下聲弄高弄遊弄箎節琴瑟箏琵琶八
種歌弦四弦張永錄云未歌之前有五部
五部弦又在弄後晉宋齊止四器也



苦寒行

樂府解題曰晉樂奏魏武帝北上篇備言冰雪谿谷之苦其後或謂之北上行

蓋因武帝辭而擬之也
藝文類聚作魏文帝

魏武帝

北上太行山艱哉何巍巍太行山艱哉何巍巍羊腸坂

詰屈車輪爲之摧

解一

樹木何蕭瑟北風聲正悲何蕭瑟

北風聲正悲熊羆對我蹲虎豹夾道啼

解二

谿谷少人民

雪落何霏霏少人民雪落何霏霏延頸長歎息遠行多

所懷

解三

我心何怫鬱思欲一東歸何怫鬱思欲一東歸

水深橋梁絕中路正徘徊

解四

迷惑失徑路暝無所宿棲

失徑路暝無所宿棲行行日以遠人馬同時飢

解五

擔囊

行取薪斧冰持作糜擔囊行取薪斧冰持作糜悲彼東

山詩悠悠使我哀

六解 右一曲晉樂所奏宋書首並疊二一句

北上太行山艱哉何巍巍羊腸坂詰屈車輪爲之摧樹木何蕭瑟北風聲正悲熊羆對我蹲虎豹夾路啼谿谷少人民雪落何霏霏延頸長歎息遠行多所懷我心何怫鬱思欲一東歸水深橋梁絕中路正徘徊迷惑失故路薄春無宿棲行行日已遠人馬同時飢擔囊行取薪斧冰持作糜悲彼東山詩悠悠使我哀

右一曲本辭

同前

魏明帝

悠悠發洛都并我征東行悠悠發洛都并我征東行征行彌二旬屯吹龍陂城

一解

顧觀故壘處皇祖之所營故

壘處皇祖之所營屋室若平昔棟宇無邪傾

二解

奈何我

皇祖潛德隱聖形我皇祖潛德隱聖形雖沒而不朽書

貴垂休名

三解

光光我皇祖軒耀同其榮我皇祖軒耀同

其榮遺化布四海八表以肅清

四解

雖有吳蜀寇春秋足

耀兵吳蜀寇春秋足耀兵徒悲我皇祖不永享百齡賦

詩以寫懷伏軾淚霑纓

五解

右一曲晉樂所奏按每

龍宋書作隴休

一作伐耀

一作曜

同前

晉陸機

北遊幽朔城涼野多險艱俯入窮谷底仰陟高山盤凝
冰結重礪積雪被長巒陰雲興巖側悲風鳴樹端不覩

白日景但聞寒鳥嚙猛虎憑林嘯玄猿臨岸歎夕宿喬
木下慘愴恒鮮歡渴飲堅冰漿饑待零露餐離思固已
久寤寐莫與言劇哉行役人慊慊恒苦寒

艱一作難
久一作矣

同前

二首並
有闕

宋謝靈運

歲歲曾冰合紛紛霰雪落浮陽滅清暉寒禽叫悲壑飢
爨煙不興渴汲水枯涸

樵蘇無夙飲鑿冰煮朝飡悲矣采薇唱苦哉有餘酸

吁嗟篇

選詩拾遺作瑟調飛蓬篇樂府解題
曰曹植擬苦寒行為吁嗟魏志云植

每欲求別見獨談及時政幸冀試用終不
能得時法制待藩國峻迫植十一年而三
徙都常汲汲無歡裴松之注云
植嘗為瑟瑟調歌辭則此篇也

魏陳思王植

吁嗟此轉蓬居世何獨然長去本根逝夙夜無休閒東
西經七陌南北越九阡卒遇回風起吹我入雲間自謂
終天路忽然下沈淵驚飈接我出故歸彼中田當南而
更北謂東而反西宕宕當何依忽亾而復存飄飄周八
澤連翩歷五山流轉無恒處誰知吾苦艱願爲中林草
秋隨野火燔麋滅豈不痛願與根荄連

泉一作淵
根一作株

豫章行

古今樂錄曰豫章行王僧虔云
荀錄所載古白楊一篇今不傳

古辭

白楊初生時乃在豫章山上葉摩青雲下根通黃泉涼

秋八九月山客持斧斤我

闕

何皎皎梯落

闕

根株

已斷絕顛倒巖石間大匠持斧繩鋸墨齊兩端一驅四

五里枝葉自相捐

闕

會爲舟船燔身在洛陽

宮根在豫章山多謝枝與葉何時復相連吾生百年

闕

自

闕

俱何意萬人巧使我離根株

右一曲晉樂所奏

同前

二首樂府解題曰曹植擬豫章行爲窮達

魏陳思王植

窮達難豫圖禍福信亦然虞舜不逢堯耕耘處中田太

公未遭文漁釣終渭川不見魯孔丘窮困陳蔡間周公

下白屋天下稱其賢

終一作涇

鴛鴦自朋親不若比翼連他人雖同盟骨肉天性然周

公穆康叔管蔡則流言子臧讓千乘季札慕其賢

同前

晉陸機

汎舟清川渚遙望高山陰川陸殊途軌懿親將遠尋三
荆歡同株四鳥悲異林樂會良自古悼別豈獨今寄世
將幾何日晷無停陰前路既已多後途隨年侵促促薄
暮景亶亶鮮克禁曷爲復以茲曾是懷苦心遠節嬰物
淺近情能不深行矣保嘉福景絕繼以音

高一作南

同前

宋謝靈運

短生於長世恒覺白日歆以鏡睨殯容華顏豈久期苟
無迴戈術坐觀落崦嵫

有闕

同前

謝惠連

軒帆邈遙路薄送瞰遐江舟車理殊緬密友將遠從九
里樂同潤二華念分峰集歡豈今發離歎自古鐘促生
靡緩期迅景無遲蹤緇髮迫多素憔悴謝華芊婉婉寡
畱畧窈窕閉淹龍如何阻行止憤愠結心胃旣微達者
度歡戚誰能封願子保淑慎良訊代徽容

同前

梁沈約

燕陵平而遠易河清且駛一見塵波阻臨途引征思雙
劍愛匣同孤鸞悲影異宴言誠易纂清歌信難嗣臥聞
夕鐘急坐閱朝光亟往歡墜壯心來戚滿哀志殂芳無

再馥淪灰定還熾夏臺尚可忘榮辱亦奚事愧微曠士
節徒感鄙生餌勞哉納辰和地遠託聲寄

同前

隋薛道衡

江南地遠接閩甌山東英妙屢經遊前瞻壘障千重阻
却帶驚湍萬里流楓葉朝飛向京洛文魚夜過歷吳洲
君行遠度茱萸嶺妾住長依明月樓樓中愁思不開頻
始復臨牕望早春鴛鴦水上萍初合鳴鶴園中花併新
空憶常時角枕處無復前日畫眉人照骨金環誰用許
見膽明鏡自生塵蕩子從來好畱滯况復關山遠迢遍
當學織女嫁牽牛莫學嫦娥叛夫婿偏訝思君無限極

欲罷欲忘還復憶願作王母三青鳥飛去飛來傳消息
豐城雙劒昔曾離經年累月復相隨不畏將軍成久別
只恐封侯心更移

豫章行苦相篇

晉傅玄

苦相身爲女卑陋難再陳男兒當門戶墮地自生神雄
心志四海萬里望風塵女育無欣愛不爲家所珍長大
逃深室藏頭羞見人垂淚適他鄉忽如雨絕雲低頭和
顏色素齒結朱脣跪拜無復數婢妾如嚴賓情合同雲
漢葵藿仰陽春心乖甚水火百惡集其身玉顏隨年變
丈夫多好新昔爲形與影今爲胡與秦胡秦時相見一

絕踰參辰

男兒一作兒男齒一作頰 太平御覽載玄豫章行云輕裘綴孔翠明珂曜珊瑚

董逃行

五解 崔豹古今注曰董逃歌後漢遊童所作也終有董卓作亂卒以逃亡後

人習之為歌章樂府奏之以為儆誡焉後漢書五行志曰靈帝中平中京都歌曰承樂世董逃云云風俗通曰卓以董逃之歌主為已發大禁絕之楊孚董卓傳曰卓改董逃為董安按古辭大畧言服藥求仙與卓無預

古辭

吾欲上謁從高山山頭危嶮大難遙望五嶽端黃金為

闕班璘但見芝草葉落紛紛

解一

百鳥集來如煙山獸紛

綸麟辟邪其端鴟雞聲鳴但見山獸援戲相拘攀

解二小

復前行玉堂未心懷流還傳教出門來門外人何求所

言欲從聖道求一得命延

解三

教勅凡吏受言採取神藥

若木端白兔長跪擣藥蝦蟇丸奉上陛下下一玉杵服此

藥可得神仙

四解

服爾神藥莫不歡喜陛下長生老壽四

面肅肅稽首天神擁護左右陛下長與天相保守

五解

同前

見太平御覽

魏文帝

晨背大河南轅跋涉遐路漫漫師徒百萬譁誼戈矛若

林成山旌旗拂日蔽天

闕

同前

一作五首

晉陸機

和風習習薄林柔條布葉垂陰鳴鳩拂羽相尋倉鷗啖
啖弄音感時悼逝傷心日月相追周旋萬里倏忽幾年
人皆冉冉西遷盛時一往不還慷慨乖念悽然昔爲少

年無憂常恠秉燭夜遊翩翩宵征何求於今知此有由
但爲老去年適盛固有哀不疑長夜冥冥無期何不驅
馳及時聊樂永日自怡齊此遺情何之人生居世爲安
豈若及時爲驪世道多故萬端憂慮紛錯交顏老行及
之長歎

董逃行歷九秋篇

十二首玉臺以前十首作
簡文帝樂錄云傅玄作據

文選注引之爲漢古辭選詩拾遺曰此篇
髮髯懼滅如在目前經緯情感若探中曲
宮商曾疊綺繪斐亶其言有文焉其聲有
永焉惜不知何人之辭非相如枚乘誰能
爲之當爲百世六言之祖也馮惟訥曰此
辭本題董逃行歷九秋篇董逃行起於漢
末不得謂相如枚乘爲之也觀其
辭體不類二京當以樂錄爲正

晉傅玄

歷九秋兮三春遺賢客兮遠賓顧多君心所親乃命妙

妓才人炳若日月星辰

其一

序金壘兮玉觴賓主遽起鴈

行杯若飛電絕炆交觴接卮結裳慷慨歡笑萬方

其二奏

新詩兮夫君爛然虎變龍文渾如天地未分齊謳楚舞

紛紛歌聲上激青雲

其三

窮八音兮異倫竒聲靡靡每新

微披素齒丹唇逸響飛薄梁塵精爽眇眇入神

其四

坐咸

醉兮沾歡引樽促席臨軒進爵獻壽翻翻千秋要君一

言願愛不移若山

其五

君恩愛兮不竭譬若朝日夕月此

景萬里不絕長保初醮髮結何憂坐成胡越

其六

攜弱手

今金環上遊飛閣雲間穆若鴛鳳雙鸞還幸蘭房自安

娛心樂意難原

其七

樂既極今多懷盛時忽逝若顏寒暑

革御景迴春榮隨風飄摧感物動心增哀

其八

妾受命今

孤虛男兒墮地稱姝女弱雖存若無骨肉至親更疏奉

事他人託軀

其九

君如影今隨形賤妾如水浮萍明月不

能常盈誰能無根保榮良時冉冉代征

其十

顧繡領兮含

暉皎日迴光則微朱華忽爾漸衰影欲捨形高飛誰言

往思可追

其十一

薺與麥兮夏零蘭桂踐霜逾馨祿命懸

天難明妾心結意丹青何憂君心中傾

其十二

一作榮華爾一

示作

相逢行

一曰相逢狹路間行亦曰長安有狹邪行樂府解題古辭文意與雞鳴曲同三

婦豔及中婦織

流黃並出此

古辭

相逢狹路間。道隘不容車。不知何年少。夾轂問君家。君家誠易知。易知復難忘。黃金爲君門。白玉爲君堂。堂上置樽酒。作使邯鄲倡。中庭生桂樹。華燈何煌煌。兄弟兩三人。中子爲侍郎。五日一來歸。道上自生光。黃金絡馬頭。觀者盈道傍。入門時左顧。但見雙鴛鴦。鴛鴦七十二。羅列自成行。音聲何噍噍。鶴鳴東西廂。大婦織綺羅。中婦織流黃。小婦無所爲。挾瑟上高堂。丈人且安坐。調絲方未央。

一作調絲未遽央
右一曲晉樂所奏

同前

一作五首郭本作謝惠連今從藝文

宋謝靈運

行行卽長道道長息班草邂逅賞心人與我傾懷抱夷
世信難值憂來傷人平生不可保陽華與春渥陰柯長
秋槁心慨榮去速情苦憂來早日華難久居憂來傷人
諄諄亦至老親黨近卹庇昵君不常好九族悲素霰三
良怨黃鳥邇朱白卽頽憂來傷人近縞潔必造水流理
就濕火炎同歸燥賞契少能諧斷金斷可寶千計莫適
從

下當有憂來傷人四字

萬端信紛繞巢林宜擇木結友使心曉

心曉形迹畧畧邇誰能了相逢旣若舊憂來傷人片言

代紵縞

同前

梁張率

相逢夕陰街獨趨尚冠里高門旣如一甲第復相似憑
軾日欲昏何處訪公子公子之所在所在良易知青樓
出上路漸臺臨曲池堂上撫流徽雷罇朝夕施橘柚分
華實朱火燎金枝兄弟兩三人冠珮紛陸離朝從禁中
出車騎並驅馳金鞍馬腦勒聚觀路傍兒入門一顧望
鳬鵠有雄雌雄雌各數千相鳴戲羽儀並在東西立羣
次何離離大婦刺方領中婦抱嬰兒小婦尚嬌稚端坐
吹參差丈人無遽起神鳳且來儀

中一作門丈人一作丈夫

相逢狹路間

宋孔欣

相逢狹路間道狹正踟躕如何不羣士行吟戲路衢輟
步相與言君行欲焉如淳朴久已凋榮利迭相驅流落
尚風波人情多遷渝勢集堂必滿運去庭亦虛競趨嘗
不暇誰肯眷桑樞無爲肆獨往只將困淪胥未若及初
九攜手歸田廬躬耕東山畔樂道詠玄書狹路安足遊
方外可寄娛

同前

梁昭明太子統

京華有曲巷曲曲不通輿道逢一俠客緣路問君居君
居在城北可尋復易知朱門閒皓壁刻桷映晨離階植
若華草光影逐飈移輕幃委四屋蘭膏然百枝長子飾

青紫中子任以貲小子始總角方作啼弄兒三子俱入
門赫奕盛羽儀驛驕服衡轡白玉鏤鞿羈容止同規矩
賓從盡恭卑雅鄭時閒作孤竹乍參差雲翔雜水宿弄
吭滿青池歡樂無終極流目豈知疲門下非毛遂坐上
盡英竒大婦成貝錦中婦飾粉施曲曲一作巷曲若華一作若華委四屋一作逐
簷垂丈人暫徙倚行使流風吹四屈翔一作飛飾一作治施

同前

沈約

相逢洛陽道繫聲流水車路逢輕薄子竚立問君家君
家誠易知易知復易憶龍馬滿街衢飛蓋交門側大子

萬戶侯中子飛而食小子始從官朝夕溫省直三子俱
入門赫奕多羽翼若若青組紆煙煙金璫色大婦繞梁
歌中婦回文織小婦獨無事閉戶聊且卽綠綺試一彈
玄鶴方鼓翼

同前

劉孺

送君追遐路路狹陵朝零三危上蔽日九折杳連雲枝
交幘不見聽盡吹纔聞豈伊歎道遠亦廼泣塗分况茲
別親愛情念切離羣

同前

劉遵

春晚駕香車交輪礙狹斜所恐惟風入疑傷步搖花含

羞隱年少何因問妾家青樓臨上路相期覺路賒

覺一作竟

同前

隋李德林

天衢號九經冠蓋恒縱橫忽逢懷刺客相尋欲逐名我
住河陽浦開門望帝城金臺遠猶出玉觀夜恒明筵羞
太官膳酒釀步兵營懸牀接高士隔帳授諸生流水琴
前韻飛塵歌後輕大子難爲弟中子難爲兄小子輕財
利實見陶朱情龍軒照人轉驥馬噓天明入門俱有說
至道勝金籬出門會親友天官奏德星大婦訓端木中
婦訓劉靈小婦南山下擊缶和秦箏羣賓莫有戲燈來
告絕纓

長安有狹邪行

古辭

長安有狹邪狹邪不容車適逢兩少年夾轂問君家君
家新市傍易知復難忘大子二千石中子孝廉郎小子
無官職衣冠仕洛陽三子俱入室室中自生光大婦織
綺紵中婦織流黃小婦無所爲挾琴上高堂丈夫且徐
徐調絃詎未央

紵一作羅

同前

晉陸機

伊洛有岐路岐路交朱輪輕蓋承華景騰步躡飛塵鳴
玉豈樸儒馮軾皆俊民烈心厲勁秋麗服鮮芳春余本
倦遊客豪彥多舊親傾蓋承芳訊欲鳴當及晨守一不

足矜岐路良可遵規行無曠迹矩步豈逮人投足緒已
爾四時不必循將遂殊塗軌要子同歸津

同前

宋謝惠連

紀郢有通達通達並軒車
帝帝雕輪馳軒軒翠蓋舒撰
策之五尹振轡從三閭
推劒馮前軾鳴佩專後輿

疑闕

同前

一云擬相逢狹路間

荀昶

朝發邯鄲邑暮宿井陘
間井陘一何狹車馬不得旋
迴迨相逢值崎嶇交一言
一言不容多伏軾問君家
君家誠易知易知復易博
南面平原居北趣相如閣
飛樓臨名都通門枕華郭
入門無所見但見雙棲鶴
棲鶴數十

雙鴛鴦羣相追大兄珥金璫中兄振纓綏伏臘一來歸
鄰里生光輝小弟無所爲鬪雞東陌達大婦織紵綺中
婦縫羅衣小婦無所作挾瑟弄音徽丈人且却坐梁塵
將欲飛

中兄振纓綏一作纓玉中兄綦

同前

帝王集作魏武帝非

梁武帝

洛陽有曲陌曲曲不通驛忽遇二少童扶轡問君宅我
宅邯鄲右易憶復可知大息組綑縕中息佩陸離小息
尚青綺總轡遊南陂三息俱入門家臣拜門垂三息俱
升堂旨酒盈千卮三息俱入戶戶內有光儀大婦理金
翠中婦事玉觴小婦獨閒暇調笙遊曲池丈人少徘徊

鳳吹方參差

遇一作逢
轡一作角

同前

簡文帝

長安有徑塗徑徑不通輿道逢雙總角扶輪問我居我
居青門北可憶復易津大息騫金勒中息綰黃銀小息
始得意黃頭作弄臣三息俱入門雅志揚清塵三息俱
上堂觴肴滿四陳三息俱入戶照耀光容新大婦舒綺
綯中婦拂羅巾小婦最容冶映鏡學嬌嚙丈人且安坐
清謳出絳唇

徑徑一作塗徑角一作
卅津一作尋綰一作剖

同前

沈約

青槐金陵陌丹轂賁遊士方驂萬乘臣炫服千金子咸

陽不足稱臨淄孰能擬

同前

庾肩吾

長安曲陌坂曲曲不容幘路逢雙綺襦問君居近遠我
居臨御溝可識不可求長子登麟閣次子侍龍樓少子
無高位聊從金馬遊三子俱來下左右若川流三子俱
來入高軒映彩旒三子俱來宴玉柱擊清甌大婦褰雲
裘中婦卷羅幃小婦多妖豔花鈿繫石榴夫君且安坐
歡娛方未周

曲陌坂一作有曲陌曲曲
一作曲陌妖豔一作豔冶

同前

王罔

名都馳道傍華轂亂鏘鏘道逢佳麗子問我居何鄉我

家洛川上甲第遙相望珠扉玳瑁牀綺席流蘇帳太子
執金吾次子中郎將小子陪金馬遨遊茂卿相三子俱
休沐風流鬱何壯三子俱會同肅雍多禮讓三子俱還
室絲管紛寥亮大婦裁舞衣中婦學清唱小婦窺鏡影
弄此朝霞狀佳人且少畱爲君繞梁唱

同前

徐防

長安有勾曲勾勾不通驛塗逢二綺衣夾路訪君室君
室近霸城易識復知名大息登金馬中息謁承明小息
偏愛幸走馬曳長纓三息俱入門車服盡雕輕三息俱
上堂嘉賓四座盈三息俱入戶室內有光榮大婦縑始

呈中婦繡初營小婦多姿媚紅紗映削成上客且安坐

胡牀妾自擎

服一作馬

同前

陳張正見

少年重遊俠長安有狹斜路窄時容馬枝高易度車簷
高同落照巷小共飛花相逢夾繡轂借問是誰家

同前

周王褒

威紆狹邪道車騎動相喧博徒稱劇孟遊俠號王孫勢
傾魏侯府交盡翟公門路邪勞夾轂塗艱倦折轅日斜
宣曲觀春還御宿園塗歌楊柳曲巷飲榴花樽獨有遊

梁倦還守孝文園

威一作透
卷一作客

三婦豔

宋南平王鑠

大婦裁霧縠中婦牒冰練小婦端清景含歌登玉殿丈人且徘徊臨風傷流霰

同前

齊王融

大婦織綺羅中婦織流黃小婦獨無事挾瑟上高堂丈夫且安坐調絃詎未央

綺羅一作縑絲瑟一作琴丈夫一作丈人詎未央一作渠央

同前

梁昭明太子統

大婦舞輕巾中婦拂華茵小婦獨無事紅黛潤芳津良人且高臥方欲薦梁塵

同前

沈約

大婦拂玉匣中婦結珠帷小婦獨無事對鏡理蛾眉良
人且安臥夜長方自私

拂玉匣一作掃玉屏
珠一作羅理一作畫

同前

王筠

大婦畱芳褥中婦對華燭小婦獨無事當軒理清曲丈
人且安臥豔歌方斷續

同前

吳均

大婦絃初切中婦管方吹小婦多姿態含咲逼清卮佳
人勿餘及慙慙妾自知

同前

劉孝綽

大婦縫羅裙中婦料繡文唯餘最小婦窈窕舞昭君丈

人慎勿去聽我駐浮雲

人一作夫

同前

十一首

陳後主

大婦避秋風中婦夜牀空
小婦初雨髻含嬌新臉紅
得意非霰日可憐那可同

大婦西北樓中婦南陌頭
小婦初粧點回睂對月鈎
可憐還自覺人看反更羞

大婦主縑機中婦裁春衣
小婦新粧冶拂匣動琴徽
長夜理清曲餘嬌且未歸

主一作弄

大婦妬蛾眉中婦逐春時
小婦最年少相望卷羅帷
羅帷夜寒卷相望人來遲

大婦上高樓中婦蕩蓮舟小婦獨無事撥帳掩嬌羞丈
夫應自解更深難道畱

大婦初調箏中婦飲歌聲小婦春粧罷弄月當宵楹季
子時將意相看不用爭

大婦愛恒偏中婦意長堅小婦獨嬌笑新來華燭前新
來誠可惑爲許得新憐

大婦酌金杯中婦照粧臺小婦偏妖冶下砌折新梅衆
中何假問人今最後來

大婦怨空閨中婦夜偷啼小婦獨含笑正柱作烏棲河
低帳未掩夜夜畫眉齊

大婦正當爐中婦裁羅襦小婦獨無事淇上待吳姝鳥
歸花復落欲去却踟躕

大婦年十五中婦當春戶小婦正橫陳含嬌情未吐所
愁曉漏促不恨燈銷炷

同前

張正見

大婦織殘絲中婦妬蛾眉小婦獨無事歌罷詠新詩上
客何須起爲待絕纓時

中婦織流黃

梁簡文帝

翻花滿階砌愁人獨上機浮雲西北起孔雀東南飛調
絲時繞腕易鐻乍牽衣鳴梭逐動釧紅粧映落暉

同前

陳徐陵

落花還井上春機當戶前帶衫行障口覓釧枕檀邊數
鐳經無亂新漿緯易牽蜘蛛夜伴織百舌曉驚眠封用
黎陽土書因計吏船欲知夫婿處今督水衡錢

還一作非枕檀

一作入壇

同前

北齊盧詢

別人心已怨愁空日復斜燃香望韓壽磨鏡待秦嘉殘
絲愁績爛餘織恐縑賒支機一片石緩轉獨輪車下簾
還憶月挑燈更惜花似天河上景春時織女家

同前

隋虞世南

寒閨織素錦含怨歛雙蛾綜新交縷澀經脆斷絲多衣
香逐舉袖釧動應鳴梭還恐裁縫罷無信達交河

達一作往

詩言補遺云此虞世南織錦曲也分明是一幅織錦圖綜音縱經音逕非深知織作者不知此二句之妙

古樂苑

第十七終

古樂苑卷第十八

西吳 梅鼎祚 補正

東越 呂胤昌 校閱

相和歌辭 清調曲

清調曲 二

塘上行

五解鄴都故事曰魏文帝甄皇后中山無極人表紹據鄴與中子熙娶后為妻

後太祖破紹文帝時為太子遂以后為夫人
后為郭皇后所譖賜死臨終為詩樂府解題
曰晉樂奏魏武帝蒲生篇而諸集錄皆言甄
后所作歎以讒訴見弃猶幸得新好不遺故
惡焉今詳詩意蓋初見弃所作似非臨終詩也

魏甄后

蒲生我池中蒲生我池中其葉何離離傍能行人儀莫

能縷自知衆口鑠黃金使君生別離

解一

念君去我時念

君去我時獨愁常苦悲想見君顏色感結傷心脾今悉

夜夜愁不寐

解二

莫用豪賢故莫用豪賢故弃捐素所愛

莫用魚肉賢弃捐葱與薑莫用麻枲賤弃捐菅與蒯

解三

倍恩者苦枯倍恩者苦枯蹶船常苦沒教君安息定慎

莫致倉卒念與君一共離別亦當何時共坐復相對

解四

出亦復苦愁入亦復苦愁邊地多悲風樹木何蕭蕭今

日樂相樂延年壽千秋

五解

右一曲

晉樂所奏宋書每解首疊二句

蒲生我池中其葉何離離傷能行仁義莫若妾自知衆

口鑠黃金使君生別離念君去我時獨愁常苦悲想見

君顏色感結傷心脾念君常苦悲夜夜不能寐莫以豪
賢故弃捐素所愛莫以魚肉賤弃捐葱與薤莫以麻枲
賤弃捐菅與蒯出亦復苦愁入亦復苦愁邊地多悲風
樹木何條條從軍致獨樂延年壽千秋

右一曲
本辭

蒲生我池中綠葉何離離豈無兼葭艾與君生別離
念君去我時獨愁常苦悲想見君顏色感結傷心脾
念君常苦苦意夜夜不能寐莫以豪賢故弃捐素所愛
莫以魚肉賤弃捐葱與薤莫以麻枲賤弃捐菅與蒯
倍恩者苦枯蹶船常苦沒教君安息定慎莫致倉卒
與君一別離何時復相對出亦復苦愁入亦復苦愁
邊地多悲風樹木何條條
從君致獨樂延年壽千秋

載詩話
補遺

同前

沈約有江籬
生幽渚出此

晉陸機

江籬生幽渚微芳不足宣被蒙風雲會移居華池邊發

藻玉臺下垂影滄浪泉霑潤旣已渥結根奧且堅四節
逝不處繁華難久鮮淑氣與時殞餘芳隨風捐天道有
遷易人理無常全男懽智傾愚女憂哀避妍不惜微軀
退恒懼蒼蠅前願君廣末光照妾薄暮年

雲一作雨
泉一作淵

同前

宋謝惠連

芳萱秀陵阿菲質不足營幸有忘憂用移根託君庭垂
穎臨清池擢彩仰華薨霑渥雲雨潤歲蕤吐芳馨願君
春傾葉畱景惠餘明

塘上行苦辛篇

梁劉孝威

蒲生伊何陳曲中多苦辛黃金坐銷鑠白玉遂溜磷裂

衣工毀嫡掩袖切讒新嫌成跡易已愛去理難申秦雲
猶變色魯日尚迴輪妾歌已唱斷君心終未親

蒲生行浮萍篇

魏陳思王植

浮萍寄清水隨風東西流結髮辭嚴親來爲君子仇恪
勤在朝夕無端獲罪尤在昔蒙恩惠和樂如瑟琴何意
今摧積曠若商與參茱萸自有芳不若桂與蘭新人雖
可愛無若故所歡行雲有返期君恩儻中還慊慊仰天
歎愁心將何愬日月不恒處人生忽若寓悲風來入懷
淚下如垂露發篋造裳衣裁縫紈與素

懷一作帷
裳一作新

蒲生行

本集
不載

齊謝朓

蒲生廣湖邊託身洪波側春露惠我澤秋霜縈我色根
葉從風浪常恐不永植攝生各有命豈云智與力安得
遊雲上與爾同羽翼

蒲生我池中

梁元帝

池中種蒲葉葉影蔭池濱未好中宮薦行堪隱士輪爲
書聊可截匹柳復宜春瑞葉生苻苑鏤碧獻周人

江離生幽渚

一作塘上行

梁沈約

澤蘭被荒徑孤芳豈自通幸逢瑤池曠得與金芝叢朝
承紫臺露夕潤綠池風旣美脩嫵女復悅繁華童夙昔
玉霜滿旦暮翠條空葉飄儲胥右芳歇露寒東紀化尚

盈其俗志信積隆財殫交易絕華落愛難終所惜改驪

聊豈恨逐征蓬願回昭陽景持照長門宮

持一作時

秋胡行

二首

西京雜記曰魯人秋胡娶妻三

月而遊宦三年休還家其婦採桑於郊胡至郊而不識其妻也見而悅之乃遺黃金一鎰妻曰妾有夫遊宦不返幽閨獨處三年于茲未有被辱於今日也採桑不顧胡慙而退至家問妻何在曰行採桑於郊未返既歸還乃向所挑之婦也夫妻並慙妻赴沂水而死列女傳曰魯秋潔婦者魯秋胡之妻也既納之五日去而宦於陳五年乃歸未至其家見路傍有美婦人方採桑而說之下車謂曰力田不如逢豐年力桑不如見國卿今吾有金願以與夫人婦曰採桑力作紡績織紉以供衣食奉二親養夫子已矣不願人之金秋胡遂去歸至家奉金遺母使人呼其婦婦至乃嚮採桑者也婦汗其行去而東走自投於河而死樂府解題曰後人哀而賦之爲秋胡

行若魏文帝辭云堯任舜禹當復何爲亦題
曰秋胡行曹植秋胡行但歌魏德而不取秋

胡事與文

帝辭同

魏武帝

晨上散關山此道當何難晨上散關山此道當何難牛
頓不起車墮谷間坐盤石之上彈五弦之琴作爲清角
韻意中迷煩歌以言志晨上散關山解一有何三老公卒
來在我傍有何三老公卒來在我傍負揜被裘似非恒
人謂卿云何困苦以自然徨徨所欲來到此間歌以言
志有何三老公解二我居崑崙山所謂者真人我居崑崙
山所謂者真人道深猶可得名山歷觀遨遊八極枕石
漱流飲泉沈吟不決遂上升天歌以言志我居崑崙山

三解

去去不可追長恨相牽攀去去不可追長恨相牽攀

夜夜安得寐惆悵以自憐正而不譎辭賦依因經傳所

過西來所傳歌以言志去去不可追

四解 猶一作有辭一作乃

願登泰華山神人共遠遊願登泰華山神人共遠遊經

歷崑崙山到蓬萊飄飄八極與神人俱思得神藥萬歲

爲期歌以言志願登泰華山

一解

天地何長久人道居之

短天地何長久人道居之短世言伯陽殊不知老赤松

王喬亦云得道得之未聞庶以壽考歌以言志天地何

長久

二解

明明日月光何所不允昭明明日月光何所不

允昭二儀合聖化貴者獨人不萬國率土莫非王臣仁

義爲名禮樂爲榮歌以言志明明日月光

解三

四時更逝

去晝夜以成歲四時更逝去晝夜以成歲大人先天而

天弗違不戚年往憂世不治存亡有命慮之爲蚩歌以

言志四時更逝去

解四

戚戚欲何念歡笑意所之戚戚欲

何念歡笑意所之壯盛智慧殊不再來愛時進趣將以

惠誰汎汎放逸亦同何爲歌以言志戚戚欲何念

五解右二

曲魏晉

樂所奏

同前

二首

魏文帝

堯任舜禹當復何爲百獸率舞鳳皇來儀得人則安失
人則危唯賢知賢人不易知歌以詠言誠不易移鳴條

之後萬舉必全明德通靈降福自天

右曲一作歌魏德

朝與佳人期日夕殊不來嘉肴不嘗旨酒停杯寄言飛
鳥告余不能俯折蘭英仰結桂枝佳人不在結之何爲
從爾何所之乃在大海隅靈若道言貽爾明珠企予望
之步立躊躇佳人不來何得斯須

右曲一作佳人期

汎汎綠池中有浮萍寄身流波隨風靡傾芙蓉含芳齒
萑垂榮朝采其實夕佩其英采之遺誰所思在庭雙魚
比目鴛鴦交頸有美一人婉如清揚知音識曲善爲樂

方

右曲一作浮萍篇有美四句又見善哉行

同前

七首本集題云重作四言詩

嵇康

樂府 卷之六
富貴尊榮憂患諒獨多富貴尊榮憂患諒獨多古人所
懼豐屋蔀家人害其上獸惡網羅惟有貧賤可以無他
歌以言之富貴憂患多

貧賤易居賢盛難爲工貧賤易居賢盛難爲工耻佞直
言與禍相逢變故萬端俾吉作凶思牽黃犬其計莫從
歌以言之賢盛難爲工

其計莫從樂府作其莫之從

勞謙寡悔忠信可久安勞謙寡悔忠信可久安天道害
盈好勝者殘彊梁致災多招禍患欲得安樂獨有無憊
歌以言之忠信可久安

害一作惡多下一有事字

役神者弊極欲疾枯役神者弊極欲疾枯顏回短折不

及童烏縱體淫恣莫不蚤徂酒色何物今自不辜歌以
言之酒色令人枯

絕智弃學遊心於玄默絕智弃學遊心於玄默遇過而
悔當不自得垂釣一壑所樂一國被髮行歌和者四塞
歌以言之遊心於玄默

思與王喬藥雲遊八極思與王喬藥雲遊八極凌厲五
岳忽行萬億授我神藥自生羽翼呼吸太和鍊形易色
歌以言之思行遊八極

之下
一無思字

徘徊鍾山息駕於層城徘徊鍾山息駕於層城上蔭華
蓋下采若英受道王母遂升紫庭逍遙天衢千載長生

歌以言之徘徊於層城

同前

二首後首題云和秋胡一云和班氏詩

晉傅玄

秋胡子娶婦三日會行仕宦既享顯爵保茲德音以祿
願親韞此黃金覩一好婦採桑路傍遂下黃金誘以逢
卿玉磨逾潔蘭動彌馨源流潔清水無濁波奈何秋胡
中道懷邪美此節婦高行巍哉哀哉可愍自投長河

秋胡納令室三日宦他鄉皎皎潔婦姿泠泠守空房燕
婉不終夕別如參與商憂來猶四海易感難可防人言
生日短愁者苦夜長百草揚春華攘腕採柔桑素手尋
繁枝落葉不盈筐羅衣翳玉體回目流絲章君子倦仕

歸車馬如龍驤精誠馳萬里既至兩相忘行人悅令顏
借息此樹傍誘以逢卿喻遂下黃金裝烈烈貞女忿言
辭厲秋霜長驅及居室奉金升北堂毋立呼婦來歡情
樂未央秋胡見此婦惕然懷探湯負心豈不慙永誓非
所望清濁必異源鳬鳳不並翔引身赴長流果哉潔婦
腸彼夫既不淑此婦亦太剛

至一作去
借一作情

同前

陸機

道雖一致塗有萬端吉凶紛藹休咎之源人鮮知命命
未易觀生亦何惜功名所歎

同前

九首集云秋胡詩
文選不在樂府

宋顏延之

倚梧傾高鳳寒谷待鳴律影響豈不懷自遠每相匹婉
彼幽閑女作嬪君子室峻節貫秋霜明豔侔朝日嘉運
既我從欣願自此畢

燕居未及好良人顧有違脫巾千里外結綬登王畿戒
徒在昧旦左右來相依驅車出郊郭行路正威遲存爲

久離別沒爲長不歸

好五臣
作歡

嗟余怨行役三陟窮晨暮嚴駕越風寒解鞍犯霜露原
隰多悲涼迴飈卷高樹離獸起荒蹊驚鳥縱橫去悲哉
遊宦子勞此山川路

超遙行人遠宛轉年運徂良時爲此別日月方向除孰

知寒暑積倂俛見榮枯歲暮臨空房涼風起坐隅寢興

日已寒白露生庭蕪

時五臣作人

勤役從歸願反路遵山河昔辭秋未素今也歲載華鶯
月歡時暇桑野多經過佳人從所務窈窕援高柯傾城

誰不顧弭節停中阿

歡一作觀

年往誠思勞路遠濶音形雖爲五載別相與昧平生捨
車遵往路鳬藻馳目成南金豈不重聊自意所輕義心
多苦調密比金玉聲

高節難久淹竭來空復辭遲遲前途盡依依造門基上
堂拜嘉慶入室問何之日暮行采歸物色桑榆時美人

望昏至慙歎前相持

采一作來

有懷誰能已聊用申苦難離居殊年載一別阻河關春

來無時豫秋至恒早寒明發動愁心閨中夜長歎慘悽

歲方晏日落遊子顏

難補註作艱夜一作起

高張生絕絃聲急由調起自咎枉允塵結心固終始如

何久爲別百行愆諸已君子失明義誰與偕沒齒愧彼

行露詩甘之長川汜

心一作言

同前

二首

宋謝惠連

春日遲遲桑何萋萋紅桃含妖綠柳舒萋邂逅榮者遊

渚戲蹊華顏易改良願難諧

遊一作遵

繫風捕影誠知不得念彼奔波意慮迴惑漢女倏忽洛
神飄揚空勤交甫徒勞陳王

同前

七首題云和南海王殿下詠秋胡妻不云樂府

齊王融

日月共爲照松筠俱以貞佩分甘自遠結鏡待君明且
協金蘭好方愉琴瑟情佳人忽千里空閨積思生

空一作幽

景落中軒坐悠悠望城闕高樹升夕煙曾樓滿初月光
陰非或異山川屢難越輟泣揜鉛姿搔首亂雲髮

傾魄屬徂火搖念待方秋涼氣承宇結明熠僚堦流三
星亦虛映四屋慘多愁思君如萱草一見乃忘憂

杼軸鬱不諧契濶迷新故朔風欄上發寒鳥林間度客

遠乏衣裘歲晏饒霜露參差興別緒依遲起離慕

杼軸一作

衿袖遲一作違

願言如可信行邁亦云反睇景不告勞瞻途寧遽遠何

以淹歸轍蠶妾事春晚送目亂前華馳心迷舊婉

椒佩容有結振芳岐路隅黃金徒以賦白珪終不渝明

心良自皎安用久踟躕遡車及粉巷流日下西虞

日一作目

披帷悵有望出門遲所欲彼美復來儀慙顏變欣矚蘭

艾隔芳蕕涇渭分清濁去去夫人子請徇川之曲

悵一作惕

舊一作矣

古樂苑卷第十八終

古樂苑卷第十九

西吳 梅鼎祚 補正

東越 呂胤昌 校閱

相和歌辭

瑟調曲

瑟調曲

一

古今樂錄曰王僧虔技錄瑟調曲有善哉行隴
西行折楊柳行西門行東門行東西門行却東
西門行順東西門行飲馬行上畱田行新成安
樂宮行婦病行孤子生行放歌行大牆上蒿行
野田黃爵行釣竿行臨高臺行長安城西行武
舍之中行鴈門太守行豔歌何嘗行豔歌福鍾
行豔歌雙鴻行煌煌京洛行帝王所居行門有
車馬客行牆上難用趨行日重光行蜀道難行
權歌行有所思行蒲坂行採梨橘行白楊行胡
無人行青龍行公無渡河行荀氏錄所載十五

曲傳者九曲武帝朝日自惜古公文帝朝遊上山明帝赫赫我徂古辭來日並善哉古辭羅敷豔歌行是也其六曲今不傳五嶽善哉行武帝鴻鴈却東西門行長安長安城西行雙鴻福鍾並豔歌行牆上牆上難用趨行是也其器有笙笛節琴瑟箏琵琶七種歌弦六部張永錄云未歌之前有七種弦又在弄後晉宋齊止四器也

善哉行

六解宋書樂志作古辭詩紀云或以爲曹子建詩按子建擬善哉行爲日苦短

云當來日大難則此非子建作矣

古辭

來日大難口燥唇乾今日相樂皆當喜歡一解經歷名山

芝草翻翻仙人王喬奉藥一九二解自惜袖短內手知寒

慙無靈輒以報趙宣三解月沒參橫北斗闌干親交在門

飢不及食四解歡日尚少戚日苦多以何忘憂彈箏酒歌

五解淮南八公要道不煩參駕六龍遊戲雲端六解右一曲魏晉

奏樂所

同前二首

魏武帝

古公亶甫積德垂仁思弘一道哲王於幽解一太伯仲雝

王德之仁行施百世斷髮文身解二伯夷叔齊古之遺賢

讓國不用餓殂首山解三智哉山甫相彼宣王何用杜伯

累我聖賢解四齊桓之霸賴得仲父後任豎刁蟲流出戶

五解晏子平仲積德兼仁與世沈德未必思命解六仲尼之

世王國爲君隨制飲酒揚波使官解七

自惜身薄祐夙賤罹孤苦旣無三徙教不聞過庭語解一

其窮如抽裂自以思所怙雖懷一介志是時其能與二解

守窮者貧賤惋歎淚如雨泣涕於悲夫乞活安能覩三解

我願於天窮琅琊傾側左雖欲竭忠誠欣公歸其楚四解

快人由為歎抱情不得叙顯行天教人誰知莫不緒五解

我願何時隨此歎亦難處今我將何照於光曜釋銜不

如雨六解
魏晉樂所奏 右二曲

同前四首朝日一首初學記載第一解題云於講堂作朝遊一首藝文題云銅雀園詩宋

書無有 美一首

文帝

上山采薇薄暮苦飢溪谷多風霜露霑衣一解野雉羣雊

猿猴相追還望故鄉鬱何壘壘二解高山有崖林木有枝

憂來無方人莫之知

解三

人生若寄多憂何爲今我不樂

歲月其馳

解四

湯湯川流中有行舟隨波轉薄有似客遊

五解

策我良馬被我輕裘載馳載驅聊以忘憂

六解

一作日其

一作如

有美一人婉如清揚妍姿巧笑和媚心腸知音識曲善爲樂方哀絃微妙清氣含芳流鄭激楚度宮中商感心動耳綺麗難忘離鳥夕宿在彼中洲延頸鼓翼悲鳴相求眷然顧之使我心愁嗟爾昔人何以忘憂

朝日樂相樂酣飲不知醉悲絃激新聲長笛吐清氣

解一

弦歌感人腸四座皆歡悅寥寥高堂上涼風入我室

解二

持滿如不盈有德者能卒君子多苦心所愁不但一解三
慊慊下白屋吐握不可失衆賓飽滿歸主人苦不悉解四
比翼翔雲漢羅者安所羈沖靜得自然榮華何足爲解五
朝遊高臺觀夕宴華池陰大酋奉甘醪狩人獻嘉禽解一
齊倡發東舞秦箏奏西音有客從南來爲我彈清琴解二
五音紛繁會拊者激微吟淫魚乘波聽踴躍自浮沈解三
飛鳥翻翔舞悲鳴集北林樂極哀情來惻亮摧肝心解四
清角豈不妙德薄所不任大哉子野言弭弦且自禁解五

古四曲魏
晉樂所奏

同前一首

明帝

我徂我征伐彼蠻虜練師簡卒爰正其旅解一輕舟竟川

初鴻依浦栢栢猛毅如熊如虎解二發砲若雷吐氣成雨

旄旂指麾進退應矩解三百馬齊轡御由造父休休六軍

咸同斯武解四兼塗星邁亮茲行阻行行日遠西背京許

解五遊弗淹旬遂屆揚土奔寇震懼莫敢當御解六虎臣列

將怫鬱充怒淮泗肅清奮揚微所解七運德燿威惟鎮惟

撫反旆言歸告入皇祖解八備則虜假氣游魂魚鳥為伍

赫赫大魏王師徂征冒暑討亂振燿威靈解一汎舟黃河

隨波潺湲通渠回越行路綿綿解二綵旌蔽日旌旒翳天

淫魚澆澣遊嬉深淵解三唯塘泊從如流不為單握揚楚

心惆悵歌採薇心綿綿在淮肥願君速捷蚤旋歸

四解右二

曲魏晉樂所奏

一作施入後曲嬉一作戲泊一作泊捷一作節

同前

宋謝靈運

陽谷躍升虞淵引落景曜東隅晚晚西薄二春燠敷九

蕭索涼來溫謝寒往暑却居德斯願積善嬉諠陰灌

陽叢凋華隨萼歡去易慘悲至難鑠擊節當歌對酒當

酌鄙哉愚人戚戚懷瘼善哉達士滔滔處樂

擊節郭本作激涕

同前

集雜體詩云擬魏文遊宴姑從郭本收入

梁江淹

置酒坐飛閣逍遙臨華池神飈自遠至左右芙蓉披綠

竹夾清水秋蘭被幽崖月出照園中冠佩相追隨客從

南楚來爲我吹參差淵魚猶伏浦聽者未云罷高文一
何綺小儒安足爲肅肅廣殿陰雀聲愁北林衆賓還城
邑何用慰我心

我一作吾

當來日大難

曹植擬善哉行爲日苦短

魏陳思王植

日苦短樂有餘乃置玉罇辦東厨廣情故心相於闔門
置酒和樂欣欣遊馬後來轅車解輪今日同堂出門異
鄉別易會難各盡杯觴

長笛吐清氣

出魏文帝善哉行辭

陳周弘讓

商聲傳後出龍吟鬱前吐情斷山陽舍氣咽平陽塢胡
騎爭北歸偏知別鄉苦羈旅情易傷零淚如交雨

同前

賀徹

胡關氛霧侵羌笛吐清音韻切山陽曲聲悲隴上吟柳
折城邊樹梅舒嶺外林方知出塞虜不憚武溪深

隴西行

通典云秦置隴西郡以居隴坻之西為名按此篇前後不屬一曰步出夏門行

樂錄無夏門行而夏門後四句與隴西首同豈邪徑過空廬合為樂甚獨殊為一曲好婦別為一曲邪今附列二首于後辭義明備頗為得之王僧虔技錄曰隴西行歌武帝碣石文帝夏門二篇

古辭

天上何所有歷歷種白榆桂樹夾道生青龍對道隅鳳
凰鳴啾啾一母將九雛顧視世間人為樂甚獨殊好婦
出迎客顏色正敷愉伸腰再拜跪問客平安不請客北

堂上坐客氍毹觥清白各異樽酒上正華疏酌酒持與
客客主人持却畧再拜跪然後持一杯談笑未及竟
左無敕中厨促令辦麤飭慎莫使稽畱廢禮送客出盈
門中趨送客亦不遠足不過門樞取婦得如此齊姜
亦不如健婦持門戶亦勝一丈夫

此篇出諸集不入樂志

邪徑過空廬好人常獨居卒得神仙道上與天相扶
過謁王父母乃在太山隅離天四五里道逢赤松俱
攬轡爲我御將我上天遊天上何所有歷歷種白榆
桂樹夾道生青龍對道隅鳳皇鳴啾啾一母將九雛
顧視世間人爲樂甚獨殊

好婦出迎客顏色正敷愉伸腰再拜跪問客平安不
請客北堂上坐客氍毹觥清白各異樽酒上正華疏
酌酒持與客客言主人持却畧再拜跪然後持一杯
談笑未及竟左顧敕中厨促令辦麤飭慎莫使稽畱

廢禮送客出盈盈府中趨送客亦不遠足不過門樞
取婦得如此齊姜亦不如健婦持門戶亦勝一丈夫

同前

晉陸機

我靜如鏡民動如煙事以形兆應以象懸豈曰無才世
鮮興賢

同前

宋謝靈運

昔在老子志理成篇柱小傾大綆短絕泉鳥之栖遊林
檀是閑韶樂牢膳豈伊攸便胡爲乖枉從表方圓耿耿
僚志慊慊丘園善歌以詠言理成篇

志一作至

同前

謝惠連

運有榮枯道有舒屈潛保黃裳顯服朱黻誰能守靜弃

華辭榮窮谷是處考槃是營千金不迴百代傳名厥包
者袖忘憂者萱何爲有用自乖中原實摘柯摧葉殞條
煩

同前

三首後二首一作汎舟橫大江按篇中各
云隴西且其辭義絕與大江無預簡文自
有滄波白日暉一篇此二
篇郭本列隴西行爲是

梁簡文帝

邊秋胡馬肥雲中驚寇人勇氣時無侶輕兵救邊急沙
平不見虜嶂嶮還相及出塞豈成歌經川未遑汲烏孫
塗更阻康居路猶澀月暈抱龍城星流照馬邑長安路
達書不還寧知征人獨佇立

時一作特
嶮一作轉

隴西四戰地羽檄歲時聞護羌擁漢節校尉立元勳石

門留鐵騎冰城息夜軍洗兵行驟雨送陣出黃雲沙長
無止泊水脉屢縈分當思勒彛鼎無用想羅裙

悠悠懸旆旌知向隴西行滅竈驅前馬銜枚進後兵沙
飛朝似幕雲起夜疑城迴山時阻路絕水極稽程往年
郅支服今歲單于平方觀凱樂盛飛蓋滿西京

同前

庾肩吾

借問隴西行何當驅馬征草合前迷路雲濃後暗城寄
語幽閨妾羅袖勿空縈

步出夏門行

古辭

邪徑過空廬好人常獨居卒得神仙道上與天相扶過

謁王父母乃在大山隅離天四五里道逢赤松俱攬轡
爲我御將我上天遊天上何所有歷歷種白榆桂樹夾
道生青龍對伏趺

同前

四解本集作步出東西門行一曰碣石篇
樂志曰碣石魏武帝辭晉以爲碣石舞其
歌四章一曰觀滄海二曰冬十月三曰土不
同四曰龜雖壽與此並同但曲前無豔爾

魏武帝

雲行雨步超越九江之臯臨觀異同心意懷遊豫不知

當復何從經過至我碣石心惆悵我東海

雲行至
此爲豔

東臨碣石以觀滄海水何澹澹山島竦峙樹木叢生百
草豐茂秋風蕭瑟洪波湧起日月之行若出其中星漢

燦爛若出其裏幸甚至哉歌以詠志

觀滄海一解

孟冬十月

北風徘徊天氣肅清繁霜霏霏鷓鴣雞晨鳴鴻鴈南飛驚

鳥潛藏熊羆窟棲錢罇停置農收積場逆旅正設以通

賈商幸甚至哉歌以詠志

冬十月二解

鄉土不同河朔隆寒

流澌浮漂舟船行難雖不入地豐蔭深奧水竭不流水

堅可蹈士隱者貧勇俠輕非心常歎怨戚戚多悲幸甚

至哉歌以詠志

河朔寒三解

神龜雖壽猶有竟時騰蛇乘霧

終爲土灰老驥伏櫪志在千里烈士暮年壯心不已盈

縮之期不但在天養怡之福可得永年幸甚至哉歌以

詠志

龜雖壽四解

同前

二解
一曰隴西行

明帝

步出夏門東登首陽山簷哉夷叔仲尼稱賢君子退讓
小人爭先惟斯二子于今稱傳林鍾受謝節改時遷日
月不居誰得久存善哉殊復善弦歌樂情解一商風夕起
悲彼秋蟬變形易色隨風東西乃眷西顧雲霧相連丹
霞蔽日彩虹帶天弱水潺潺葉落翩翩孤禽失羣悲鳴
其間善哉殊復善悲鳴在其間解二朝遊青冷日暮嗟歸
蹶迫日暮烏鵲南飛繞樹三匝何枝可依卒逢風雨樹
折枝摧雄來驚雌雌獨愁棲夜失羣侶悲鳴徘徊茫茫
荆棘葛生綿綿感彼風人惆悵自憐月盈則沖華不再

繁古來之說嗟哉一言

朝遊至嗟歸爲豔賦迫下爲趨右一曲魏晉樂所奏

林鍾受謝節改時遷日月不居誰得久存商風夕起悲
彼秋蟬變形易色隨風東西乃眷西顧雲霧相連丹霞
蔽日彩虹帶天谷水潺潺葉落翩翩孤禽失羣悲鳴其
間朝遊清冷日暮嗟歸賦迫日暮烏鵲南飛繞樹三匝
何枝可依卒逢風雨樹折枝摧雄來驚雌雌獨愁棲夜
失羣侶悲鳴徘徊芄芃荆棘葛生綿綿感彼風人惆悵
自憐月盈則沖華不再繁古來之說嗟哉一言

右一曲旋是前

篇本辭

丹霞蔽日行

魏文帝

丹霞蔽日彩虹垂天谷水潺潺木落翩翩孤禽失羣悲
鳴雲間月盈則沖華不再繁古來有之嗟我何言

明帝步出

夏門行八句與此同

同前

陳思王植

紂爲昏亂虐殘忠正周室何隆一門三聖牧野致功天
亦革命漢祖之興階秦之衰雖有南面王道陵夷炎光
再幽忽滅無遺

虐殘忠正一作殘忠虐正

折楊柳行

四解古今樂錄曰王僧虔技錄云折楊柳行歌文帝西山古默默二篇

今不歌

古辭

默默施行違厥罰隨事來末喜殺龍逢桀放於鳴條

一解

祖伊言不用紂頭懸白旄指鹿用爲馬胡亥以喪軀

二解

夫差臨命絕乃云負子胥戎王納女樂以亾其由余璧

馬禍及虢二國俱爲墟

三解

三夫成市虎慈母投杼趨卞

和之則足接輿歸草廬

四解

右一曲魏晉樂所奏宋書作大曲

同前

四解

魏文帝

西山一何高高高殊無極上有兩仙僮不飲亦不食與

我一丸藥光耀有五色

一解

服藥四五日身體生羽翼輕

舉乘浮雲倏忽行萬億流覽觀四海茫茫非所識

二解

祖稱七百悠悠安可原老聃適西戎于今竟不還王喬

假虛辭赤松垂空言

三解

達人識真僞愚夫好妄傳追念

往古事憤憤千萬端
百家多迂恠聖道我所觀

四解
右一曲

魏晉樂
所奏

同前

晉陸機

邈矣垂天景壯哉
奮地雷豐隆豈久響
華光但西隤日
落似有竟時逝
恒若催仰悲朗月
運坐觀璇蓋回盛
門無再入哀房莫
苦開人生固已短
出處鮮爲諧慷慨
惟昔人興此千載
懷升龍悲絕處葛
藟變條枚寤寐豈
虛歎曾是感與摧
弭意無足歎願言
有餘哀

豐隆一作隆
隆華光一作隆

華華

同前

二一首

宋謝靈運

鬱鬱河邊樹青青野田草舍我故鄉客將適萬里道妻
妾牽衣袂收淚沾懷抱還拊幼童子顧託兄與嫂辭訣
未及終嚴駕一何早負笻引文舟飢渴常不飽誰令爾
貧賤咨嗟何所道

騷屑出穴風揮霍見日雪颼颼無久搖皎皎幾時潔未
覺泮春冰已復謝秋節空對尺素遷獨視寸陰滅否桑
未易繫秦茅難重拔桑茅迭生運語默寄前哲

西門行

古今樂錄曰王僧虔技錄西門行歌古
西門一篇今不傳又有順東西門行爲

三七言亦傷時
顧陰有類於此

古辭

出西門步念之今日不作樂當待何時

解

夫爲樂爲樂

當及時何能坐愁怫鬱當復待來茲

解二

飲醇酒炙肥牛

請呼心所歡可用解愁憂

解三

人生不滿百常懷千歲憂

晝短苦夜長何不秉燭遊

解四

自非仙人王子喬計會壽

命難與期自非仙人王子喬計會壽命難與期

解五

人壽

非金石年命安可期貪財愛惜費但爲後世嗤

解六

右一曲

晉樂所奏符來茲宋書無待字苦宋書作而

出西門步念之今日不作樂當待何時逮爲樂逮爲樂

富及時何能愁怫鬱當復待來茲釀美酒炙肥牛請呼

心所歡可用解憂愁人生不滿百常懷千歲憂晝短苦

夜長何不秉燭遊遊行去去如雲除弊車羸馬爲自儲

右一曲
本辭

東門行

古今樂錄曰王僧虔技錄云東門行歌古東門一篇今不歌

古辭

出東門不顧歸來入門悵欲悲盎中無斗儲還視桁上

無懸衣

解一

拔劔出門去兒女牽衣啼他家但願富貴賤

妾與君共餽糜

解二

共餽糜上用倉浪天故下爲黃口小

兒今時清廉難犯教言君復自愛莫爲非

解三

今時清廉

難犯教言君復自愛莫爲非行吾去爲遲平慎行望君

歸

四解

右一曲晉樂所奏

出東門不顧歸來入門悵欲悲盎中無斗米儲還視架

上無懸衣拔劍東門去舍中兒母牽衣啼他家但願富
貴賤妾與君共鋪糜上用倉浪天故下當用此黃口兒
今非咄行吾去爲遲白髮時下難久居

右一曲
本辭

同前

選詩外編
作遊春篇

晉張駿

勾芒御春正衡紀運玉瓊明庶起祥風和氣翕來征慶
雲蔭八極甘雨潤四垓昊天降靈澤朝日耀華精嘉苗
布原野百卉敷時榮鳩鵲與鶯黃間關相和鳴芙蓉覆
靈沼香花揚芳馨春遊誠可樂感此白日傾休否有終
極落葉思本莖臨川悲逝者節變動中情

鶯一作鶯黃
芙蓉一作菜萍

同前

宋鮑照

傷禽惡弦驚倦客惡離聲離聲斷客情賓御皆涕零涕
零心斷絕將去復還訣一息不相知何況異鄉別遙遙
征駕遠杳杳白日晚居人掩閨臥行子夜中飯野風吹
草木行子心腸斷食梅常苦酸衣葛常苦寒絲竹徒滿
座憂人不解顏長歌欲自慰彌起長恨端

白一作落
草集作秋

東西門行

古今樂錄曰王僧虔技
錄云東西門行今不歌

梁劉孝威

廣津寒欲歇聯櫓密纜收天高匝近岫江闊少方舟
餞淚留神眷離欵切私儔佇變齊兒俗當傳楚獻囚徒然
頒並命祗慙思如抽

却東西門行

古今樂錄曰王僧虔技錄云却東西門行荀錄所載武帝鴻鴈一篇

今不傳傳玄鴻鴈生塞北行出此

魏武帝

鴻鴈出塞北乃在無人鄉舉翅萬餘里行止自成行冬
節食南稻春日復北翔田中有轉蓬隨風遠飄揚長與
故根絕萬歲不相當奈何此征夫安得去四方戎馬不
解鞍鎧甲不離傍冉冉老將至何時返故鄉神龍藏深
泉猛獸步高岡狐死歸首丘故鄉安可忘

右一曲魏晉樂所奏

同前

晉傳玄

和樂惟有舞應節不失機退似前龍婉進如翔鸞飛回
目流神光傾亞有餘姿

疑闕

同前

宋謝惠連

慷慨發相思惆悵戀音徽四節競闌候六龍引積機人
生隨時變遷化焉可祈百年難必保千慮盈懷之關誤

同前

梁沈約

驅馬城西阿遙眺想京闕望極煙原盡地遠山河沒搖
裝非短晨還歌豈明發脩服悵邊羈瞻途眇鄉謁馳蓋
轉徂龍回星引奔月樂去哀鏡滿悲來壯心歇歲華委
徂貌年霜移暮髮辰物久侵晏征思坐淪越清氛掩行
夢憂原盪瀛渤一念起關山千里顧丘窟鏡疑作境
晏一作尋

鴻鴈生塞北行

晉傅玄

鳳皇遠生海西及時崑山岡五德存羽儀和鳴定宮商
百鳥並侍左右鼓翼騰華光上熙遊雲日間千歲時來
翔孰若彼龍與龜曳尾泥中藏非雲雨則不升冬伏春
廼驤退哀此秋蘭草根絕隨化揚靈氣一何憂美萬里
馳芬芳常恐物微易歇一朝見棄忘

順東西門行

古今樂錄曰王僧虔技錄云順東西門行今不歌

晉陸機

出西門望天庭陽谷旣虛崦嵫盈感朝露悲人生逝者
若斯安得停桑樞戒蟋蟀鳴我今不樂歲聿征迨未暮
及時平置酒高堂宴友生激昂笛彈哀箏取樂今日盡

歡情

同前

宋謝靈運

出西門眺雲間揮斤扶木墮虞泉信道人鑒徂川思樂
暫捨誓不旋閔九九傷牛山宿心載違徒昔言競落運
務積年招命儕好相追牽酌芳醑奏繁弦惜寸陰情固
然墮一作墜

同前

謝惠連

哀朝菌閔積力遷化常然焉肯息及壯齒遇世直酌酪
華堂集親識舒情盡歡遣悽惻

古樂苑卷第十九

終

古樂苑卷第二

西吳 梅鼎祚 補正

東越 呂胤昌 校閱

相和歌辭 瑟調曲

瑟調曲 二

飲馬長城窟行

一曰飲馬行酈道元水經注曰始皇二十四年使太子扶蘇與

蒙恬築長城起自臨洮至于碣石東暨遼海西並陰山凡萬餘里今白道南谷口有長城自城北出有高坂傍有土穴出泉挹之不窮歌錄云飲馬長城窟信非虛言也樂府解題曰古詞傷良人遊蕩不歸或云蔡邕之辭古今樂錄曰王僧虔技錄云飲馬行今不歌

古辭

青青河畔草
縣縣思遠道
遠道不可思
宿昔夢見之
夢見在我傍
忽覺在他鄉
他鄉各異縣
展轉不相見
枯桑知天風
海水知天寒
入門各自媚
誰肯相爲言
客從遠方來
遺我雙鯉魚
呼兒烹鯉魚
中有尺素書
書中竟何如
如上言加飡
飯下言長相
憶

畔一作邊見
一作童飯一

作食言一
並作有

同前

梁簡文泥舟
橫大江出此

魏文帝

浮舟橫大江
討彼犯荆虜
武將齊貫錚
征人伐金鼓
長戟十萬隊
幽冀百石弩
發機若雷電
一發連四五

關

同前

陳琳

飲馬長城窟水寒傷馬骨往謂長城吏慎莫稽留太原
卒官作自有程舉築諧汝聲男兒寧當格鬪死何能怫
鬱築長城長城何連連連連三千里邊城多健兒內舍
多寡婦作書與內舍便嫁莫留住善事新姑嫜時時念
我故夫子報書往邊地君今出語一何鄙身在禍難中
何爲稽留他家子生男慎莫舉生女哺用脯君獨不見
長城下死人骸骨相撐拄結髮行事君慊慊心意關明
知邊地苦賤妾何能久自全

兒一作少往一作與關一作間

同前

一云青青河邊草篇

晉傅玄

青青河邊草悠悠萬里道草生在春時遠道還有期春

至草不生期盡歎無聲感物懷思心夢想發中情夢君
如鴛鴦比翼雲間翔既覺寂無見曠如參與商河洛自
用固不如中岳安回流不及反浮雲往自還悲風動思
心悠悠誰知者懸景無停居忽如馳駟馬傾耳懷音響
轉目淚雙墮生存無會期要君黃泉下

期盡一作泣盡

同前

陸機

驅馬陟陰山山高馬不前往問陰山候勁虜在燕然戎
車無停軌旌旆屢徂遷仰憑積雪巖俯涉堅冰川冬來
秋未反去家邈以縣獫狁亮未夷征人豈徒旋末德爭
先鳴凶器無兩全師克薄賞行軍沒微軀捐將遵甘陳

迹收功單于旃振旅勞歸去受爵橐街傳

同前

一云擬青
青河畔草

梁昭明太子統

亭亭山上栢悠悠遠行客行客行路遙故鄉日迢迢迢迢
迢不可見長望涕如霰如霰獨留連長路邈綿綿胡馬
愛北風越燕見日喜緼此望鄉情沈憂不能止有朋西
南來投我用木李并有一札書行止風雲起扣封披書
札書札竟何有前言節所愛後言別離久

同前

沈約

介馬渡龍堆塗縈馬屢迴前訪昌海驛雜種寇輪臺旌
幕卷煙雨徒御犯冰埃

闕

同前

陳後主

征馬入他鄉山花此夜光離羣嘶向影因風屢動香月
色含城暗秋聲雜塞長何以酬天子馬革報疆場

天一作君

同前

張正見

秋草朔風驚飲馬出長城羣驚還怯飲地險更宜行傷
冰斂凍足畏冷急寒聲無因度吳坂方復入羌城

同前

周王褒

北走長安道征騎每經過戰垣臨八陣旌門對兩和屯
兵戍隴北飲馬傍城阿雪深無復道冰合不生波塵飛
連陣聚沙平騎跡多昏昏隴坻月耿耿霧中河羽林猶

肉觝將軍尚雅歌
臨戎常拔劒
蒙險屢提戈
秋風鳴馬首
薄暮欲如何

同前

尚法師

長城征馬度橫行
且勞羣人冰穿凍
水飲浪聚流文澄
鞍如漬月照影若流雲
別有長松氣自解
逐將軍

同前

集云飲馬長城窟
行示從征群臣

隋煬帝

肅肅秋風起
悠悠行萬里
萬里何所行
橫漠築長城
豈台小子智
先聖之所營
樹茲萬世策
安此億兆生
詎敢憚焦思
高枕於上京
兩河秉武節
千里卷戎旌
山川互出沒
原野窮超忽
縱金止行陣
鳴鼓興士卒
千乘萬騎

樂苑 卷二
動飲馬長城窟秋昏塞外雲霧暗關山月緣巖驛馬上
乘空烽火發借問長安候單于入朝謁濁氣靜天山晨
光照高闕釋兵仍振旅要荒事方舉飲至告言旋功歸
清廟前

兩一作北
秉一作執

同前

虞世南

馳馬渡河干流深馬渡難前逢錦車使都護在樓蘭輕
騎猶銜勒疑兵尚解鞍溫池下絕澗棧道接危巒拓地
勲未賞亾城律詎寬有月關猶暗經春隴尚寒雲昏無
復影冰合不聞湍懷君不可遇聊持報一餐

同前

袁朗

朔風動秋草清蹕長安道長城連不窮所以隔華戎規
模唯聖作荷負曉成功鳥庭已向內龍荒更鑿空玉關
塵卷靜金微路已通湯征隨北怨舜詠起南風畫野功
初立綏邊事云集朝服踐狼居凱歌旋馬邑山響傳鳳
吹霜華藻瓊鉞屬國擁節歸單于欵關入日落寒雲起
驚河被原隰零落葉已寒河流清且急四時徭役盡千
載干戈戢太平今若斯汗馬竟無施唯當事筆硯歸去
草封禪

青青河畔草

蕭詮阿那當軒織出
此然彼但詠織婦耳

晉陸機

靡靡江離草熠熠生河側皎皎彼姝女阿那當軒織粲
粲妖容姿灼灼美顏色良人遊不歸偏棲獨隻翼空房
來悲風中夜起歎息

熠熠一作熠熠

同前

劉氏譜曰鑠善樂府有縣麗之稱青青河畔草一篇爲時傳誦

宋南平王鑠

淒淒含露臺肅肅迎風館思女御櫺軒哀心徹雲漢端
撫悲絃泣獨對明燈歎良人久遙後耿介終昏旦楚楚
秋水歌依依採菱彈

同前

荀昶

熒熒山上火茗茗隔隴左隴左不可至精爽通寤寐寤

寐衾幃同忽覺在他邦他邦各異邑相逐不相及迷墟
在望煙木落知冰堅升朝各自進誰肯相攀牽客從北
方來遺我端弋綈命僕開弋綈中有隱起珪長跪讀隱
珪辭苦聲亦悽上言各努力下言長相懷

同前

鮑令暉

裊裊臨牕竹藹藹垂門桐灼灼青軒女泠泠高堂中明
志逸秋霜玉顏掩春紅人生誰不別恨君早從戎鳴絃
慙夜月紺黛羞春風

堂一作臺

同前

齊王融

容容寒煙起翹翹望行子行子殊未歸寤寐若容輝夜

中心愛促覺後阻河曲河曲萬里餘情交襟袖疎珠露
春華返璿霜秋照晚入室怨蛾眉情歸爲誰婉

若一作君照一

桂作

同前

梁武帝

幕幕繡戶絲悠悠懷昔期昔期久不歸鄉國曠音徽音
微空結遲半寢覺如至旣寤了無形與君隔平生月以
雲掩光葉以霜摧老當途競自容莫肯爲妾道

爲一作與

同前

沈約

漠漠牀上塵心中憶故人故人不可憶中夜長歎息歎
息想容儀不言長別離別離稍已久空牀寄杯酒

同前

集題云擬青青河畔草轉韻體爲人作其人識節工歌今從郭本收入

何遜

春蘭已應好折花望遠道秋夜苦復長抱枕向空牀吹
臺下促節不言於此別歌筵掩團扇何時一相見絃斷
猶依軫葉落裁下枝卽此雖久別方我未成離

春蘭一作春園

客從遠方來

一云擬古

宋鮑照

客從遠方來贈我鵲文綾貯以相思篋緘以同心繩裁
爲親身服著以俱寢與別來經年歲歡心不可凌瀉酒
置井中誰能辨斗升合如杯中水誰能判淄澠

同前

此與上首疑是擬客從遠方來遺我一端綺者

鮑令暉

客從遠方來贈我漆鳴琴木有相思文絃有別離音終
身執此調歲寒不改心願作長春曲宮商長相尋

汎舟橫大江

梁簡文帝

滄波白日暉遊子出王畿旁望重山轉前觀遠帆稀廣
水浮雲吹江風引夜衣旅鴈同洲宿寒鳬夾浦飛行客
誰多病當念早旋歸

病一作與

同前

陳張正見

大江脩且濶揚舲度回磯波中畫鷁涌帆上錦花飛舟
移歷浦月權舉濕春衣王孫客若遠詎待送將歸

客一作定

婀娜當軒織

陳蕭詮

東南初日照秦樓西北織婦正嬌羞綺窗猶垂翡翠幌
珠簾半上珊瑚鈎新粧入機映春牖弄杼鳴梭挑織手
何曾織素讓新人不掩流蘇推中婦三日五匹未言遲
衫長腕弱繞輕絲綾中轉躡成離鵠錦上迴文作別詩
不惜繞素同霜雪更傷秋扇篋中辭

上畱田行

古今樂錄曰王僧虔技錄有上畱田行今不歌崔豹古今注曰上畱田地

名也人有父母死不字其孤弟者隣人爲其弟作悲歌以風其兄樂府廣題曰蓋漢世人

古辭

里中有啼兒似類親父子回車問啼兒慷慨不可止

同前

魏文帝

樂府 卷二
居世一何不同上畱田富人食稻與粱上畱田貧子食
糟與糠上畱田貧賤亦何傷上畱田祿命懸在蒼天上
畱田今爾歎息將欲誰怨上畱田

同前

晉陸機

嗟行人之藹藹駿馬陟原風馳輕舟汎川雷邁寒來暑
往相尋零雪霏霏集宇悲風徘徊入襟歲華冉冉方除
我思纏綿未紓感時悼逝悽如

同前

疑本一首五解

宋謝靈運

薄遊出彼東道上畱田薄遊出彼東道上畱田循聽一
何轟轟上畱田澄川一何皎皎上畱田悠哉邊矣征夫

上畱田悠哉邊矣征夫上畱田兩服上阪電遊上畱田
舫舟下游颺驅上畱田此別既久無適上畱田此別既
久無適上畱田寸心繫在萬里上畱田尺素遵此千夕
上畱田秋冬迭相去就上畱田秋冬迭相去就上畱田
素雪紛紛鶴委上畱田清風颺颺入袖上畱田歲云暮
矣增憂上畱田歲云暮矣增憂上畱田誠知運來詎抑
上畱田熟視年往莫畱上畱田

電遊一作雷
逝疑電逝是

同前

梁簡文帝

正月土膏初欲發天馬照耀動農祥田家斗酒羣相勞
爲歌長安金鳳皇

新成安樂宮

古今樂錄曰王僧虔技錄有新城安樂宮行今不歌樂府解題曰新

城安樂宮行備言雕飾刻斷之美也

梁簡文帝

遙看雲霧中
刻桷映丹紅
珠簾通晚日
金華拂夜風
欲知歌管處
來過安樂宮

同前

歷代吟譜云鏗賦新成安樂宮援筆便就

陳陰鏗

新宮實壯哉
雲裏望樓臺
迢遞翔鸞仰
聯翩賀燕來
重欄寒霧宿
返景夏蓮開
砌石披新錦
梁花畫早梅
欲知安樂盛
歌管雜塵埃

夏一作夜

同前

隋陳子良

春色照蘭宮
秦女旦牕中
柳葉來眉上
桃花落臉紅
拂

塵開扇匣卷帳却薰籠衫薄偏憎日裙輕更畏風

旦一作且

婦病行

古辭

婦病連年累歲傳呼丈人前一言當言未及得言不知
淚下一何翩翩屬累君兩三孤子莫我兒飢且寒有過
慎莫筮筮行當折搖思復念之亂曰抱時無衣襦復無
裏閉門塞牖舍孤兒到市道逢親交泣坐不能起從乞
求與孤買餌對交啼泣淚不可止我欲不傷悲不能已
採懷中錢持授交人門見孤兒啼索其母抱徘徊空舍
中行復爾耳弃置勿復道

同前

陳江攄

窈窕懷貞室風流挾琴婦唯將角枕臥自影啼妝久羞
開翡翠帷嬾對蒲萄酒深悲在縑素託意志箕箒夫壻
府中趨誰能大垂手

孤子生行

一曰孤兒行古辭言孤兒爲兄嫂所
苦難與久居也歌錄亦曰放歌行

古辭

孤兒生孤子遇生命獨當苦父母在時乘堅車駕駟馬
父母已去兄嫂令我行賈南到九江東到齊與魯臘月
來歸不敢自言苦頭多蟣虱面目多塵大兄言辦飯大
嫂言視馬上高堂行取殿下堂孤兒淚下如雨使我朝
行汲暮得水來歸手爲錯足下無菲愴愴履霜中多疾

藜拔斷疾藜腸月中愴欲悲淚下漉漉清涕纍纍冬無
復襦夏無單衣居生不樂不如早去下從地下黃泉春
氣動草萌芽三月蠶桑六月收瓜將是瓜車來到還家
瓜車反覆助我者少啗瓜者多願還我帶兄與嫂嚴獨
且急歸當與校計亂曰里中一何譊譊願欲寄尺書將
與地下父母兄嫂難與久居

放歌行

晉傅玄

靈龜有枯甲神龍有腐鱗人無千歲壽存質空相因朝
露尚移景促哉水上塵丘冢如履綦不識故與新高樹
來悲風松柏垂威神曠野何蕭條顧望無生人但見狐

狸迹虎豹自成羣孤雛攀樹鳴離鳥何續紛愁子多哀
心塞耳不忍聞長嘯淚雨下太息氣成雲

同前

宋鮑照

蓼蟲避葵槿習苦不言非小人自齷齪安知曠士懷雞
鳴洛城裏禁門平旦開冠蓋縱橫至車騎四方來素帶
曳長飈華纓結遠埃日中安能止鐘鳴猶未歸夷世不
可逢賢君信凌才明慮自天斷不受外嫌猜一言分珪
爵片善辭草萊豈伊白璧賜將起黃金臺今君有何疾
臨路獨遲回

大牆上蒿行

古今樂錄曰王僧虔技錄
有大牆上蒿行今不歌

魏文帝

陽春無不長成草木羣類隨大風起零落若何翩翩中
心獨立一何憊四時舍我驅馳今我隱約欲何爲人生
居天壤閒忽如飛鳥棲枯枝我今隱約欲何爲適君身
體所服何不恣君口腹所嘗冬被貂鼯溫暖夏當服綺
羅輕涼行力自苦我將欲何爲不及君少壯之時乘堅
車策肥馬良上有倉浪之天今我難得久來視下有蠕
蠕之地今我難得久來履何不恣意遨遊從君所喜帶
我寶劍今爾何爲自低卬悲麗平壯觀白如積雪利若
秋霜駮犀標首玉琢中央帝王所服辟除凶殃御左右

奈何致福祥吳之辟閭越之步允楚之龍泉韓有墨陽
苗山之鋌半頭之鋼知名前代咸自謂麗且美曾不知
君劔良綺難忘冠青雲之崔嵬織羅爲纓飾以翠翰旣
美且輕表容儀俯仰垂允榮宋之章甫齊之高冠亦自
謂美蓋何足觀排金鋪坐玉堂風塵不起天氣清涼奏
栢瑟舞趙倡女娥長歌聲協宮商感心動耳蕩氣回腸
酌桂酒鱸鯉魴與佳人期爲樂康前奉玉卮爲我行觴
今日樂不可忘樂未央爲樂常苦遲歲月逝忽若飛何
爲自苦使我心悲

野田黃雀行

四解

古今樂錄曰王僧虔技錄
有野田黃雀行今不歌樂府解題

曰晉_書奏東阿王置酒高殿上一篇然箜篌
引亦_田用此曲本集題云箜篌引郭從宋書作
野田_並與雀行今按東阿王野田黃雀行自有
此曲_則彼篇似爲箜篌引明矣其辭意言重
友義_而救其急難以雀見鷄投羅爲喻若蕭
轂止_一詠雀而已漢饒歌曲亦有黃雀行不知
與此同否談藝錄曰氣本尚壯亦忌銳逸魏
祖云老驥伏櫪志在千里烈士暮年壯心不
已_猶以_曉也陳王野田黃雀
行_雖言如_錐出囊中大索露矣

魏陳思王植

高樹多悲風海水揚其波利劍不在掌結友何須多不
見籬間雀見鷄自投羅羅家得雀喜少年見雀悲拔劍
捎羅網黃雀得飛飛飛磨蒼天來下謝少年

同前

北齊蕭轂

弱軀媿彩飾輕毛非錦文不知鴻鵠志非是鳳皇羣作
風隨濁雨入曲應玄雲空城舊侶絕滄海故交分寧死
明珠彈且避鷹將軍媿一作慙

鴈門太守行

八解古今樂錄曰王僧虔技錄
鴈門太守行歌古洛陽令一篇後

漢書王渙字稚子廣漢郡人也父順安定太
守渙少好俠尚氣力晚改節敦儒學習書讀
律畧通大義後舉茂才除溫令討擊姦猾境
內清夷商人露宿於道其有放牛者輒云以
屬稚子終無陵犯在位三年遷兖州刺史繩
正風部聲威大行後坐考妖言不實論歲餘
徵拜侍御史永元十五年還爲洛陽令政平
訟理發擿姦伏京師稱以爲神元興元年病
卒百姓咨嗟男女老壯相與奠饌以千數及
喪西歸經弘農皆設槃按於路吏問其故咸
言平常持米到洛爲卒司所抄恒亡其半自
王君在事不見侵枉故來報恩民思其德立

祠安陽亭西每食輒弦歌而薦之延熹中桓
帝事黃老道悉毀諸旁祀唯存卓茂與漢祠
焉樂府解題曰按古歌詞歷述渙本末與傳
合而曰雁門太守行未詳今按宋書雁門太
守行題上復
有云洛陽行

古辭

孝和帝在時洛陽令王君本自益州廣漢蜀民少行宦

學通五經論

解一

明知法令歷世衣冠從溫補洛陽令治

行致賢擁護百姓子養萬民

解二

外行猛政內懷慈仁文

武備具料民富貧移惡子姓篇著里端

解三

傷殺人比伍

同臯對門禁錮矛八尺捕輕薄少年加笞決旱詣馬市

論

解四

無妄發賦念在理冤赦吏正獄不得苛煩財用錢

三十買繩理竿

解五

賢哉賢哉我縣王君臣吏衣冠奉事

皇帝功曹主簿皆得其人

六解

臨部居職不敢行恩清身

苦體夙夜勞勤治有能名遠近所聞

七解

天年不遂早就

奄昏爲君作祠安陽亭西欲令後世莫不稱傳

八解
右一曲

晉樂所奏

蜀字子姓下宋書有名五十二字

蜀字子姓下宋書有名五十二字

同前

二首

梁簡文帝

輕霜中夜下黃葉遠辭枝寒苦春難覺邊城秋易知風
急旂旗斷塗長鎧馬疲少解孫吳法家本幽并兒非關
買鴈肉徒勞皇甫規

隴暮風恒急關寒霜自濃歷馬夜方思邊衣秋未重潛
師夜接戰畧地曉摧鋒悲笳動胡塞高旗出漢壙勤勞

謝公業清白報迎逢非須主人賞寧期定遠封單于如
未擊終夜慕前蹤

同前

褚翔

三月楊花合四月麥秋初幽州寒食罷鄭國採桑踈便
聞鴈門戍結束事戎車去歲無霜雪今年有閏餘月如
弦上弩星類水中魚戎車攻日逐燕騎蕩康居大宛歸
善馬小月送降書寄語閨中妾勿怨寒牀虛

死卷第二十

於

